

IIB MAGALO

FAAFINTÁ RÁSMIGA AH

الرسية



الجريدة

Sannadka 12aad Muqdisho 19ka Juunyo 1984 L. 1 r 6
JAMHUURIYADDA DIMOQRAADIGA SOOMAALIYA

لجهورية الصومال الديمقراطية

FAAFIN BIL SOO BAXA

جريدة شهرية

QIIMADU: waa 5 shilin lambar waliba — **RUKUNKA:** Sanaadka waa Sh. 100 Soomaaliya gudeheeda - dibaddana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janaayo. Qiimaha qortitaanku F. R. halki sadar iyo waxii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Faafinta Rasmiga ah Lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA

KOOWAAD

SHARCI

SHARCI L. 21 ee 30 Maajo 1984 Oggolaan
sho Heshiis dhex maray J.D.S. iyo San
duuqa Carbeed ee Horumarinta Dha
qaalaha iyo Bulshada.

QAYBTA

LABAAD

XEER

XEER MADAXWEYNAHA J.D.S. L. 22 ee
31 Maajo 1984, Billad Maar ah oo Haw » 412
lkarnimo ah lagu maamusay Jaalle ku
Geeriyooday Goob Shaqo.

XEER MAD XWEYNAHA J.D.S. L. 23 ee
31 Maajo 1984, meel marin Heshiis » 413
Dhex maray J.D.S. iyo Sanduuqa Cara
ta ee Horumarinta Dhaqaalaha iyo

Wakaaladda Madbacadda Qaranka

QAYBTA KOOWAAD

S H A R C I

Sharcj lambar 22, taariikh 24 Juunyo 1984, Abuuridda Golaha Sare ee Daryeelka Hooyada iyo Carruurta.

MADAXWEYNAHA JDS

ISAGOO TIXGELINAAYA: Oggolaanshaha Guddiga Joogtada ah ee Golaha Shacbiga;

WUXUU SOO SAARAYAA

Sharciga soo socda:e

Qod. 1aad

(Abuuridda Golaha)

Waxaa la abuuray Gole Sare oo lagu magacaabay Golaha Sare ee Daryeelka Hooyada iyo Carruurta oo hoos yimaada Madaxtooda Jamhuuriadda Dimoqraadiga Soomaaliya, wuxuuna qabanayaa xilalka iyo hawlaha ku tilmaan Sharciyan.

Qod. 2aad

(Xubnaha Golaha)

Goluhu waxa uu ka kooban yahay Xubnaha soo socda:

1. Madaxweynaha JDS ama qof wakiil ka ah Guddoomiye;
2. Wasiirka Wasaaradda Caafimaadka Xubin;
3. Wasiirka Wasaaradda Waxbarashada Xubin;
4. Wasiirka Wasaaradda Shaqada iyo A. Bulshada Xubin;
5. Wasiirka Wasaaradda Garsoorka iyo A. Diinta

6. Wasiirka Wasaaradda Arrimaha Gudaha Xubin;
7. Guddoomiyaha Ururka Dimoqraadiga Haweenka
Soomaaliyeed Xubin;
8. Guddoomiyaha Ururka Bisha Cas ee Soomaaliyeed
Xubin;
9. Sheekh Caalim ah xagga Diinta Islaamka Xubin;
10. Laba muwaadin oo ku caan baxay dareenka dar
yeelka bulshada Xubin;
11. Xoghayaha Xoghaynta Barnaamijyada Hooyada
iyo carruurta Xoghaye.

Qod. 3aad

(Xoghaynta)

Goluhu wuxuu yeelanayaa Xoghayn fulineed oo joogto ah oo lagu magacaabo Xoghaynta Barnaamijyada Hooyada iyo Carruurta.

Qod. 4aad

(Wajibbaadka Golaha)

Goluhu wuxuu qabanayaa xilalka iyo hawlaha soo socda:

1. Dersidda iyo talo ka soo jeedinta siyaasadda Dawladda iyo qorshaha Guud ee Daryeelka Hooyada iyo Carruurta.
2. Dejinta tabaha iyo barnaamijyada lagu fulinayo Qorshaha Guud;
3. Soojeedinta talooyinka sharci, xeerarka iyo wixii nidaam ah oo dammaanad qaadaya xuquuqda Hooyada iyo Carruurta;
4. Ka qayb qaadashada iyo gacan ka geysashada jiritaanka tacliinta iyo tababarrada si loo xaqiijiyo baadinta Carruurta iyo kobcinta awooddooda maskaxeed, xaaladaha gaarka ahna Hooyada iyo carruurta.

5. Ka qayb qaadashada kormeerka barnaamijyada gaar ahaaneed ee Wasaaradaha, Dawladaha iyo Hay'adaha kale ee la xiriira daryeelka Hooyada iyo Carruurta;

6. Abaabulidda dhismaha guryaha xannaanada carruurta iyo horumarinta kuwa hadda jira; sidoo kale abaabulidda beeraha nasashada carruurta iyo goobaha cayaaraha;

7. Ka qayb qaadashada abuuridda xarumaha Dhallinta Kacaanka iyo kulleejooyinka lagu xannaaneeyo carruurta, agoonta iyo kuwa ka dhashay qoysaska saboolka ah. Sidoo kale Abuuridda iyo horumarinta xarumaha dhaqancelinta iyo daryeelka curyaamiinta;

8. Abaabulidda bibiyotekayaal carruurta u gaar ah iyo raadinta kutub, joornaallo iyo qoraallo la mustawahan garaadka carruurta oo u kafaala qaadaya dhaqan iyo akhlaaq toosan iyo waddaninimo suuban;

9. Ka qayb qaadashada iyo gacan ka geysashada abaabulidda iyo horumarinta xarumaha daryeelka bulshadeed ee haweenka u gaar ah;

10. Ka baaraandegidda natiijooyinka iyo go'aannada ka soo baxa Shirweynayaasha looga doodo arrimaha Hooyada iyo Carruurta. Sidoo kale dersidda barnaamijyada iyo go'aannada Ururrada Carabta, Afrikaanka iyo Adduunweynaha ee arrimahan ku saabsan iyo qaadidda tallaabooyinka ku habboon ee lagu xaqiiji naayo ka qayb galka Qaranka Soomaaliyeed Shirweynayaasha iyo Ururrada Carabta, Afrikaanka iyo Ad duunka ee Hooyada iyo Carruurta saameeya;

11. Iskuduwidda iskaashiga iyo xiriirka hay'adaha Ad duunka;

12. Ka qayb qaadashada soo uruurinta iyo qaybinta kaalmada gudaha iyo dibedda ee loo fidiyo Hooyada iyo Carruurta;

13. Dabagalka iyo qiimeynta fulinta Qorshaha loo dejiyey Daryeelka Hooyada iyo Carruurta.

Qod. 5aad

(Shirarka Golaha)

1. Goluhu waxa uu kulmayaa saddexdii biloodba mar. Guddoomiyaha Goluhu wuxuu Golaha isugu yeeri ka raa shir aan caadi ahayn, marka ay baahi degdeg ah timaaddo.
2. Fadhiga Goluhu wuxuu ansaxayaa marka ay ka soo qayb galaan Xubnaha intooda badan, go'aammada na waxaa lagu guddoonsanayaa cod hal dheeri ah.

Qod. 6aad

(Hawsha Xoghaynta)

Hawlaha Xoghaynta waxa ay yihiin:

- a) Fulinta qorshaha iyo go'aannada siyaasadeed ee ka soo fula Golaha;
- b) Xiriirinta Wasaaradaha iyo Hay'adaha kale ee fu liya barnaamijyada ku saabsan daryeelka Hooya da iyo Carruurta;
- t) U diyaarinta Golaha talooyin farsamo, daraasado iyo warbixinno la xiriira ujeeddadan;
- j) Ka war haynta iyo qiimeynta mashaariicda dar yeelka hooyada iyo carruurta;
- x) La socodsiinta Ururrada Bulshada iyo Dadweyna ha waxtarka iyo natiijooyinka wax ku oolka ah ee laga gaaro barnaamijyada daryeelka hooyada iyo carruur ta;
- kh) Diyaarinta miisaaniyadda iyo u gudbinteeda Gola ha si loo derso, kaddibna loogu gudbiyo Hay'adaha ku shaqada leh;
- d) Diyaarinta, isagoo ku shaqaynaya tilmaanta Gud doomiyaha, ajendaha shirarka Golaha;
- r) Diiwaaninta doodaha fadhiyada Golaha, u gudbin ta jihooyinka ay khuseeyaan go'aannada iyo til maamaha ka soo fula Golaha iyo dabagalkooda;
- s) Uruurinta iyo kevdinta shuruucda, xeerarka, go

aannada iyo wareegtooyinka la xiriira daryeelka
Hooyada iyo Carruurta.

Qod. 7aad

(Magacaabidda Xoghaynta)

1. Xoghayaha Xoghaynta iyo Agaasimayaasha Waax yaha Xoghaynta Barnaamijyada Hooyada iyo Carruurta waxaa lagu magacaabayaa Xeer Madaxweyne.
2. Xoghayntu waxay yeebneysaa qaab dhismeed u gaar ah, waxaana lagu soo saarayaa Xeer Madaxweyne, iyadoo la dhegeystay Golaha Wasiirrada.

Qod. 8aad

(Miisaaniyadda Golaha)

1. Goluhu wuxuu yeelanayaa miisaaniyad u gaar ah.
2. Miisaaniyadda ku talo galka waxaa soo diyaarineysa Xoghaynta, waxaana la soo hordhigayaa Shirka Golaha si uu u oggolaado, kaddibna loogu gudbiyo Hay'adaha ku shaqada leh.
3. Xisaabaadka Golaha waxaa lagu dhaqayaa Shuruudaha iyo Xeerarka Maamulka xisaabaadka ee Hay'adaha Qaranka.

Qod. 9aad

(Xeer-nidaamiye)

Madaxweynaha Jamhuuriyadda Dimoqraadiga Soomaaliya, isagoo dhegeystay Golaha Wasiirrada, wuxuu soo saarayaa Xeer-hoosaad dhammeystiraya Sharcigan, nidaamiyana habka hawlqabadka waaxyaaha iyo qaybaha kala duwan ee Maamulka Golaha.

Qod. 10aad

(Dhaqangal)

Sharcigani wuxuu dhaqan gelayaa marka uu saxiixo Madaxweynaha Jamhuuriyadda Dimoqraadiga Soomaaliya, waxaana lagu soo saarayaa Faafinta Rasmi ga ah ee Jamhuuriyadda.

Muqdisho, 24 Gii. 1984

MADAXWEYNAHA JDS

(Maxamed Siyaad Barre)